



Cussegli da vischneauca 2017/2020

Protocol no. 27

Seduta dils 5 da zercladur 2020

---

## Protocol

**dalla seduta dil cussegli da vischneauca,  
venderdis, ils 5 da zercladur 2020: allas 20.15 – 22.50  
Liug: Center da sport e cultura**

---

**Presidi:** Mario Flepp

**Actuar:** Paul Duff

**Presents:**

a) Cussegli	Christoph Berger Stefan Columberg Edgar Durschei Admir Jasarevic Giusep Lozza Helga Probst-Linder Livio Zanetti	Armin Berther Adrian Deflorin Rita Huonder-Tenner Christian Loretz Armin Manetsch Martino Sabbadini
b) Suprastanza	Robert Cajacob Victor Flepp Jris Lombris	Clemens Berther Wendelin Jacomet
c) Perstgisas: Cussegli	Anna Maria Genelin	
d) Hospes	cumissiun da gestiun cumissiun da bagheggiar Center da sport e cultura architects Huonder e Bisquolm Ruedi Büchi sviluppader regiunal	
e) Ulteriurs	4	

## **Plaid d'avertura entras il president**

Oz ha il cussegl da vischnaunca da prender decisiun per ina fetg impurtonta fatschenta. Avon varga 40 onns ei vegniu mess gl'emprem crap pil Center da sport e cultura (CSC) ch'ei per Mustér sco era per nossa regiun da grond'impurtonza. Las purschidas ein multifaras ed ins astga dir che hosps da lunsch e damaneivel han segirefranc entginas gadas gudiu ina purschida ni l'autra el Center da sport e cultura. Differentas gadas han era las sedutas dil cussegl da vischnaunca giu liug el CSC. Sco gia menziunau all'entschatta ha era il cussegl dad oz liug cheu en la halla da tennis dil CSC.

Avon 2 onns ha il cussegl da vischnaunca renviau il credit per ina sanaziun cumplessiva dil Center da sport e cultura. En detagls lessel buc entrar. Jeu sun dil mein ch'ei dat oz pliras raschuns d'astgar dar suatientscha cun buna curascha alla damonda da credit per l'emprema etappa sco presentau a nus el messadi.

Las raschuns persuenter ein:

- Il project surluvrau fa aschibein ordadora sco era endadens ina fetg biala pareta ed animescha da far cheu ina viseta.
- Il Center Fontauna porscha multifaras pusseivladads da far sport, las qualas corrispundan al trend dad oz. El porscha era differentas pusseivladads da sedivertir. Medemamein dat ei vinavon la pusseivladad da menar atras arranschaments da tut gener.
- Aschibein il messadi dalla suprastanza communalia sco era il concept dalla cumissiun da baghegiar fan ina pareta fetg professiunala. Las ponderaziuns, visiuns e finamiras paran realisticas.
- La declaraziun suttascretta cun l'intenziun d'ina collaboraziun el sectur dall'infrastructura communalia turistica denter la vischnaunca da Tujetsch e Mustér per saver rinforzar la purschida turistica sco era per nezegiar sinergias e professiunalisar ils menaschis, quei ei la suetta e la dretga via per haver success a liunga vesta. In emprem pass en quella direcziun ei fatgs. Il menader dil Center da sport e cultura, Gion Hosang, ei ussa medemamein menader dil Bogn Sedrun. Quei ei segirefranc ina fetg plascheivla caussa. Igl ei era buca exlaus che las otras vischnauncas vischinontas fan inagada il pass en quella direcziun.

Quei ein bunas raschuns che muossan ch'igl ei il dretg mument da conceder il credit general per l'emprema etappa dall'innovaziun, amplificaziun ed engrondiment cumplessiv dil Center Fontauna. Nus stuein era esser pertscharts da noss'obligaziun sco subcenter dalla regiun.

## **Informaziuns:**

Mortoris:

Dapi la davosa seduta dil cussegl da vischnaunca ha ei plascheivlamein dau negins mortoris.

Naschientschas:

Dapi nossu davosa seduta dil cussegl da vischnaunca ha ei dau neginas naschientschas.

**Tractandas:**

1. Protocol 26-2017/2020
2. Center Fontauna – Innovaziun, amplificaziun ed engrondiment cumplessiv: Project e credit general per l'emprema etappa (messadi nr. 44-2017/2020)
3. Cumissiun Disentiser Card: Dissoluziun (messadi 45-2017/2020)
4. Ura da damondas (conform ad art. 44 dil regulativ da fatschentas)

Cussegli da vischnaunca Disentis/Mustér  
Il president: Igl actuar:

Mario Flepp

Paul Duff



## 1. Protocol

*Protocol nr. 26-2017/2020*

Il protocol ei vegnius tarmess tier per posiziun. Enteifer ils tschun dis fixai ei vegniu inoltrau entginas midadas ch'ein indicadas en colur blaua.

Cussegli:

La remarca el protocol ch'ils investurs dil Hotel Acla da Fontauna veglien trer vinavon il recuors tochen a Lausanne ha stuiu vegnir strihada perquei ch'il president communal ha buca menziunau quei aschia.

La populaziun colligia la sanaziun ed engrondazion dil CSC cul hotel e cun la menziun dalla Dertgira federala sa il pievel che l'execuziun dalla fatschenta savess duvrar ditg.

**Decisiun:**

***Il protocol vegn approbaus senza cuntervuschs.***

Cussegli da vischraunca Disentis/Mustér  
Il president: Igl actuar:

Mario Flepp

Paul Duff



## 2. Center Fontauna – Innovaziun, amplificaziun ed engrondiment cumplexiv: Project e credit general per l'emprema etappa (messadi nr. 44-2017/2020).

President communal Robert Cajacob:

Situaziun finanziala:

Ei vegn darar avon ch'il cussegl da vischraunca vegn confruntaus cun in project, resp. ina damonda d'in credit en quella dimensiu sco oz. En aschia ina situaziun eis ei impurtont da sedar giu cun la situaziun finanziala dalla vischraunca e far las ponderaziuns per il futur. En quei senn vi jeu ussa cuort dar ina informaziun sur dalla situaziun finanziala momentana da nostra vischraunca e skizzar co quella savess veser ora sch'il cussegl e pievel dattan suatienschal.

La situaziun finanziala da Mustér se presenta il mument dètg bein. Il deivet net per habitont en vischraunca schai il mument tier ca. frs. 1'050.-- ed il deivet dalla vischraunca sin ca. 12.4 milliuns francs.

Vegn il project CSC realisaus sco el vegn oz presentaus, vegn il deivet sin persuna, ensemble cun ulteriuras investiziuns e cuosts da manteniment necessaris a crescher entochen igl onn 2025 sin ca. frs. 8'300.-- ed il deivet communal sin ca. 29 milliuns francs.

Quei ein segir cefras che dattan da patertgar, quei dueien ellal era. Denton eis ei tier nostra vischraunca aschia, che nus havein era enzatgei persuenter. Nus havein buca mo il deivet, mobein ina buna infrastructura che selai veser.

Vegn il project sanaziun CSC realisaus, ha quei segir consequenzas sin auters projects che stattan sin gliesta da spetga per vegnir realisai p.ex. la sanaziun casa da scola e la sanaziun dalla serenera. Quels projects stuessen vegnir stuschai anavos entochen che las finanzas communalas schessen tier da vegnir realisai. Il necessari manteniment era tier quels projects denton, sto vegnir garantius adina.

Tenor il niev sistem da contabilitad, pretendius dil cantun, cuoza l'amortisaziun dall'investiziun el CSC buca pli pauc che 33 onns.

Cun il coronavirus setschentan ussa aunc novas damondas pertuccont la situaziun finanziala dalla vischraunca. Segir tier las entradas da taglia per ils proxims onns che vegnan a sesminuir pulitamein.

Vitier vegn aunc il giavisch davart il cussegl da vischraunca da saver reducir il pei da taglia. Tut tenor proposta, decisiun da cussegl e pievel savess quei haver el futur fetg gronda influenza sin las pusseivladads finanzialas da nostra vischraunca. Schebein igl ei ussa il dretg mument da vuler reducir il pei da taglia ston ins sedumandar. Denton cheu decida era buca la suprastanza en caussa, ei denton fermamein dalla perschuasiun che quei fusi ussa buca prudent.

La decisiun dad oz davart dil cussegl pertuccont il credit per la sanaziun dil CSC vegn ad haver gronda influenza sil plan da finanzas pils proxims onns. Vegn il project CSC sustenius, sto segiramein vegnir spargnau sur plirs onns en auters loghens.

Proxim gliendisdis ha la suprastanza la secunda lecziun davart il plan da finanzas 2021-2025. Il cussegl pren enconuschienschal dil plan da finanzas eifer il proxim cussegl, ils 21 d'uost 2020.

## Gerau Clemens Berther (pres. dalla cumissiun da baghegiar CSC)

Ils onns 1971/72 ei vegniu baghegiau a Mustér ils implots dallas pendicularas ed dil Hotel Acla da Fontauna. La vischerna da Mustér ha da sia vart planisau il Center da sport e cultura. Il 6 da fevrer 1972 ha il pievel decidiu da cumprar dalla claustra da Mustér la parcella cun 33'362 m<sup>2</sup> per 40.00 frs./m<sup>2</sup> e midar quella en zona da sport. Grazia alla giuventetgna, cunzun als scolasts da skis ch'ein stai presents alla radunanza, ei la decisiun stada positiva. Tontas occasiuns han giu liug el Center e la valeta dall'investiziun ei severificada. Quella vegn era el futur a purtar fretg pertgei sport, cultura e sentupadas vegn ei a dar aunc en 100 onns. Visiunaris han promoviu svilup e quei vegn ad esser egl avegnir buca auter. Gerau Berther engrazia allas instanzas ch'ein cumpigliadas cun la lavur da preparativas e planisaziun per la renovaziun ed igl engrondiment dil CSC.

## Presentaziun

Architect Simon Bisquolm presenta a moda visuala il project Center Fontauna.

Gerau Clemens Berther:

Informaziuns detagliadas ein cuntenidas el messadi ed el concept dalla cumissiun. Las finamiras dallas midadas ein da realisar quellas en etappas da 2/3 ed 1/3. L'emprema etappa cun cuosts da 10,6 milliuns francs e la secunda cun in rest. Cun l'emprema part survegn il CSC il niev vestgiu e cugl engrondiment dat ei in niev center. Cun la construcziun dil tettg cun fotovoltaic entras la Repower sedat in respargn da frs. 180'000.-- vid la cuvrida dil tettg. Plinavon spargnein nus els proxims 20 onns frs. 150'000.-- cun saver retrer quell'energia dil tettg per nies agen diever. Repower investescha frs. 800'000.-- egl indrez. Las contractivas ein semtgadas per suttascriver. En mintga etappa da baghegiar crodan era contribuziuns. Plinavon havein nus la reserva da 2,8 milliuns francs destinada per l'amortisaziun dallas investiziuns. Quella reserva ei en favur dil quen annual dalla vischerna. In emprem pass en caussa collaboraziun denter vischernas ei fatgs cun Tujetsch sco fuorma da collaboraziun per il futur. Aschia piarda negina vischerna l'autonomia. Nus vulein era mantener las pernottaziuns da giuvenils ch'ein mintg'onn els camps el CSC. Quels 15'000 giuvenils ein ils hospes da Mustér digl avegnir. Cul niev center duei era il num niev secumportar, il Center Fontauna.

Ruedi Büchi sviluppader regional:

Die Förderinstrumente des Bundes und des Kantons im Rahmen der neuen Regionalpolitik schliessen explizit die Förderung von kommunalen Infrastrukturen für die lokale Bevölkerung aus. Dies mag auf den ersten Blick unverständlich erscheinen, erklärten sich aber aus den Zielen der NRP.

Alle Förderinstrumente haben zum Ziel innovative Projekte zu fördern, die nachweislich zusätzliche Wertschöpfung generieren und dem Exportbasisansatz entsprechen, sprich Geld von ausserhalb Graubündens in die Täler bringen. Dies ist insbesondere bei innovativen touristischen Projekten und bei der Exportindustrie der Fall, wobei dort die Förderung nur überbetrieblich oder vorwettbewerblich erfolgen kann.

Bei touristischen Vorhaben stehen unterschiedliche Förderinstrumente im Rahmen der neuen Regionalpolitik und im Rahmen des kantonalen Wirtschaftsförderungsgesetzes zur Verfügung.

Primär handelt es sich dabei um Darlehen zu Vorzugsbedingungen, aktuell zinslos, und um Zinsäquivalenzbeiträge um zusätzliche Bankdarlehen zu finanzieren. Bei Projekten die für den Kanton besonders bedeutsam sind und eine besonders grosse Wirkung für den Tourismus haben, kann der Kanton in Ausnahmefällen nichtrückzahlbare Beiträge sprechen. Die Anforderungen dafür sind aber sehr hoch.

Mit diesen Voraussetzungen hat sich die Baukommission intensiv mit dem Projekt und dessen Förderfähigkeit auseinandergesetzt.

Beim Projekt des Center Fontauna wurde auf Basis des vorgegebenen Kostenrahmens und des architektonischen Raumprogramms eine mittelfristige Angebotsstrategie entwickelt und die einzelnen Investitionen bzgl. ihres touristischen Nutzens bewertet.

Durch die Strategie und dem touristischen Inwertsetzungskonzept, konnte der nichttouristischen Hülle ein klar touristischer Inhalt zugeordnet werden. Nach diesen intensiven Diskussionen und Workshops konnte für rund 80% der Investitionen der touristische Nutzen aufgezeigt werden, so dass das Programm San Gottardo ein Darlehen in der Höhe von 25% des touristischen Nutzen im Grundsatz zugesagt hat, gleichzeitig wurde ein à fonds perdu Beitrag in der Höhe von CHF 460'000.-- als Äquivalenz zur Finanzierung weiterer 25% des touristischen Investitionsvolumens zugesagt. Die reinen Sanierungskosten, also ohne zusätzlichen touristischen Mehrwert und Nutzen, werden weder von Bund noch Kanton mitfinanziert, unabhängig von ihrer touristischen Bedeutung. Aufgrund der neuen Einbettung in das Gesamtsystem des Tourismus und der betrieblichen Kooperationen mit dem Bogn Sedrun, hat das zuständige Amt, der Regierung eine zusätzliche Förderung mit einem à fonds perdu Beitrag beantragt. Dieses Geschäft wird noch vor der Volksabstimmung durch die Regierung beraten.

Die bisherigen Förderzusagen der Gotthardkantone bzw. der Antrag an die Regierung basieren auf der vorliegenden Botschaft und dem vorliegenden Projekt bzw. Inwertsetzungskonzept. Projektänderungen bzw. Anpassungen an der Strategie und am Konzept würden eine Neubeurteilung durch den leitenden Ausschuss von PSG bzw. der vier Gotthardkantone und eine Überarbeitung des Antrags an die Regierung erfordern.

Mit den vorliegenden Unterlagen wurde meines Erachtens eine aussergewöhnlich umfassende Förderung erreicht, entsprechend rate ich von Projektanpassungen ab.

Alfons Quinter vicepresident cumissiu da baghegiar CSC:

Engraziel ch'jeu astgel presentar al cussegl las ponderaziuns che la cumissiu ha fatg davart la situaziun finanziala dil Center Fontauna suenter la realisaziun dallas investiziuns.

Nossa damonda centrala ei stada: Co sesviluppeschan las entradas el futur e tgei effects dat ei tier ils cuosts? Nus essan sebasai sil preventiv digl onn 2019 che prevedeva ina sperdita da 271'000.-- francs.

Tier las entradas essan nus i da quei anora ch'in augment da purschidas ed ina plivalur tier las existentes meinan tier in augment. Plinavon eisi era da spitgar che las investiziuns realisadas el turissem, en special il Catrina Resort, meinan tier dapli frequenzas el Center Fontauna e consequentamein tier dapli entradas. Quei succeda buca automaticamein. Perquei havein nus elaborau il concept da menaschi ch'ei il muossavia co nuslein contonscher quella finamira. Tenor concept quentein nus cun in augment tier las entradas da ca. 16% ni frs. 150'000.--. Quei ei senza risguardar igl effect dalla realisaziun dil Hotel Acla da Fontauna ni la collaboraziun el sectur dall'infrastructura communalia turistica.

Tier ils cuosts dat ei da differenziar duas categorias, inagada ils cuosts che han in'influenza sil cash flow (pagas, cuosts per material etc.) e da l'autra vart las amortisaziuns.

Tier ils cuosts da persunal quentein nus buca cun in augment cunquei che las purschidas supplementaras pretendant buca dapli persunal. Quei ei era adina stau ina finamira ella planisaziun da buca crear purschidas che caschunan dapli cuosts da persunal. Tier ils ulteriurs cuosts dat ei effects che seneutraliseschan – dapli cuosts d'energia, scaldament e dismessa e persuenter pli pauc cuosts tier reparaturas e manteniment suenter las investiziuns. Vidlunder vegnan sulettamein cuosts da finanziazion – pia ils tscheins pils credits. En tut quentein nus cun in augment da ca. 8% ni frs. 95'000.--.

Las amortisaziuns ein semplas da calcular. Cun risguardar igl effect dallas remessas fatgas vegn il quen dil Center Fontauna resp. dalla vischnaunca engreviaus duront 33 onns cun amortisaziuns da frs. 209'000.--. Enviers las amortisaziuns da ca. frs. 500'000.-- ch'il center caschunava en media ils davos 20 onns ei quei in pulita reducziun.

Preziadas cuseglieras, prezaii cusegliers, jeu resumeschel: frs. 150'000.-- dapli entradas e frs. 95'000.-- dapli expensas muntan in effect positiv pil cash flow da frs. 55'000.--. Vitier vegnan ca. frs. 300'000.-- dameins amortisaziuns enviers ils davos onns. La cumissiu ei perschadida che quei ei realistic e contonschibel e cul concept da menaschi havein nus il muossavia per contonscher quella finamira.

Quei ein mias explicaziuns davart ils effects finanzials dallas investiziuns proponidas.

Edgar Durschei commember cumissiun da bagheggiar CSC:

Nus vein examinau la pusseivladad da retrer la taglia sin plivaleta sin las investiziuns el CSC. Persuenter sto ei dar entginas midadas organisatorias dil cudaschar. Tochen oz vegnevan investiziuns activadas amortisadas sur il quen dalla vischerna. Egl avegnir sto il center menar in quen independent dil quen communal ed era activar en quel las investiziuns. Il quen dil center cun las amortisaziuns caschunavan avon 5-6 onns tenor calculaziun dalla HTW cuosts dad 1 million francs per onn. Cun far quellas midadas, e cun calcular cun las entradas sco Alfons Quinter ha dilucidau havein nus igl avantatg dalla taglia sin plivaleta.

President communal Robert Cajacob:

La curascha dils piuniers d'antruras ha menau Mustér ella situaziun dad oz sco liug da sport e cultura. Cul niev project dil center ei in svilup garantius egl avegnir. La destinaziun turistica dalla regiun Andermatt Sedrun Disentis vegn a vender la regiun entira en siu marketing. Cheu fa Mustér ina buna pareta en quei spazi. Sper la claustra da Mustér ei era il Center Fontauna in'attracciun che Mustér posseda. Quel stat cunzun era en favur dalla giuventetgna per evitar tier giuvenils da curdar en drogas, quei ei mia experientscha sur mes onns sco cussegliader social dalla regiun. La suprastanza ei fetg perschuaadida dil project. La problematica dallas finanzas vegn a sesligiar cun in svilup da success. La cooperaziun cun las vischerna vischinontas ei sin buna via e sa contribuir positivamein. Ils investurs ch'impundan grondas summas d'investiziun spetgan da nus ina part vid quellas quei che nus havein empermess ad els cun realisar il project Center Fontauna. Il president communal engrazia alla cumissiun da bagheggiar, als architects, al sviluppader regiunal Ruedi Büchi ed allas instanzas cantunalas per la lavur ed il sustegn dil project. Quel duei promover valeta per la giuventetgna, las scolas, ils hospes ed era per ils attempai.

### ***Discussiun debatta d'entrada***

Cussegl:

Avon dus onns ha il cussegl dau anavos il project alla suprastanza cun giavischs da surluvrar ed amplificar quel. Uss ei el surluvraus, gartegiaus e perschuaada. Igl ei d'entrar e tractar ils detagls da quel.

Il Center da sport e cultura ei il cor da Mustér ed igl ei evident che nus stuein far enzatgei cun quei edifici. La populaziun spetga las informaziuns dallas consequenzas finzialas che l'investiziun previda ha. Nus stuein oz decider senz'in plan da finanzas, senza ina segirtad ch'il Hotel Acla da Fontauna vegn realisaus. Ei ha giu num che nossa vischerna hagi in cunfin da deivets da 21 million francs ussa ein planisai 29 million francs, la sanaziun dalla scola ei stuschada, cura vegn quella, tgei consequenzas ha l'investiziun per il pei da taglia, sin la sanaziun dalla serenera? Nus stuein crear transparenza alla populaziun sin quellas damondas e sin la consequenza dalla midada da 21 sin 29 million francs deivets.

President communal Robert Cajacob:

Il deivet crescha cun l'investiziun el center e la scola sco era la serenera ston spitgar. La scola survegn las remeduras ch'ella drova, quei ei previu el plan da finanzas. La situaziun dallas scolas vegn era a semidar egl avegnir, discussiuns van en direcziun regiunal ed ei vegn numnau cheu Glion ni claustra. Per la serenera san ins era far en etappas ina remedura quei ha in studi demussau. Alla construcziun dil Hotel Acla da Fontauna ha la vischerna dau la lubientscha. Il recuors da Helvetia Nostra ei tier la dertgira administrativa dil cantun. Igl ei da sperar ch'igl investur stoppi buca trer quel vinavon a Lausanne.

Cussegl:

Nus vein udiu dil president communal ch'il deivet actual per habitont dalla vischerna munti sin biebein frs. 1'000.--, egl emprem onn suenter l'investiziun da 9,6 million francs el Center Fontauna muntass quel frs. 4'500.-- per habitont. Cun in cash flow da 2,5 million francs per onn dalla vischerna. Il plan da finanzas ei calculaus cun precauziun sin fundament dil preventiv che preveda adina pli pauc gudogn che quei ch'il quen effectiv ei. L'investiziun sa vegnir fatga cun buna cunscoenzia era sch'il deivet per habitont crescha aunc dapli che previu. L'investiziun ch'ei fatga mutta ina valeta che stat en comparegliazion egl equiliber cul deivet. Sco commember dalla cumissiun da bagheggiar sai jeu cusseglar d'entrar e sustener la damonda.

Nus essan vegni sclari en detagl sur d'in bien project. Las persunas dil fatg han fatg buna lavur e las informaziuns sur dallas finanzas ein avon maun. Igl ei d'entrar e tractar la fatschenta.

Igl ei d'engraziar alla cumissiun ch'ella ha susteniu las midadas ch'il cussegl ha giavischau avon dus onns. Nus tschinttschein oz dalla speranza che las contribuziuns dil cantun vegn concedidas. Quellas duessen esser segiradas el mument ch'ins va cun la fatschenta avon il pievel. Igl ei in project d'impurtonza regiunala, quei sto la regenza conceder e sustener la lavur cunscienziusa da nossas instanzas da baghegiar.

Suprastonza:

Gerau Clemens Berther:

Nus vein giu ina buna collaboraziun cul departament da turissem dil cantun. Els ein perschuadi dil project ed han perquei menau quel vinavon alla regenza. Lezza vegn a decider proximamein. Nus quintein dad haver la decisiun avon las vacanzas dalla regenza.

### ***Debatta da detagi***

Cussegl:

Igl ei prudent da realisar quei grond project en duas etappas. Engraziel per la gronda lavur da tuts cumpigliai. Sch'ins sa realisar l'execuziun vegn quei dabien allas interpresas e porta biara lavur e sustegn per famiglias e luvrers jasters ella regiun e mantegn la glieud ella val. Uss el temps dalla crisa da corona stuess il cantun dar liber finanzas. Igl exempl Stenna Center a Flem ha survegniu per ina partiziun per affons e giuvenils ina summa da 1,5 milliuns francs. Nus havessen dabien per nossa investiziun 1 million francs cun resalva ch'il Hotel Acla da Fontauna vegn baghegiaus. Vegn quel era baghegiaus? La vischnaunca ed igl investur Weber han gia investau sur 100 milliuns francs en nossa destinaziun, quei sa il cantun. Sco subcenter dalla regiun ha la vischnaunca tuttina dabien dapli che 1 million e quei senza la resalva dil Hotel Acla da Fontauna. Mirau anavos el vargau custava il Center da sport e cultura alla vischnaunca 1 million francs. per onn. Cun saver amortisar l'investiziun nova en 33 onns ei quella summa egl avegnir pli pintga. La sanaziun sto vegnir fatga igl ei neras uras. Havein nus anflau tuttas vias per vegnir tier sustegn finanzial? Confederaziun e cantun dattan ora uss el temps da corona milliardas e milliuns per sustegn. Nua essan nus sin quella gliesta? Nies project innovativ cun valeta regiunala ha dabien dapli che quei milliun. Ina delegaziun dalla vischnaunca e dalla regiun duei far in'ulteriura damonda al cantun per saver augmentar la contribuziun. Quei fuss era in bien segn enviers il suveran che decida sur dall'investiziun.

Suprastonza:

Gerau Clemens Berther:

Il cantun ha leschas ed ordinaziuns che defineschan tuttas caussas e la regenza setegn vid quellas vertentas. Nus havein nezegiau tuttas pusseivlas portas da sustegn, las qualas las leschas defineschan. La regenza sustegn zun fetg la periferia. Nus savein buca far dapli.

Ruedi Büchi sviluppader regiunal:

Las directivas dalla Confederaziun e dil cantun ein ligontas. Per investiziuns en scolas ni sereneras dat ei neginas contribuziuns. Las contribuziuns ein destinadas per il diever dil turissem. Gest quei ei definiu el project, il diever turistic ch'ei definius cun 8 milliuns francs dall'investiziun e quel ei giustificaus per las subvenziuns. Nus havein saviu far valer las parts maximalas da susteniment cun 4 milliuns francs emprest, nus savein ch'il departament surdat alla regenza quella damonda per sustegn.

Cussegl:

Quei vul dir nus havein la caparra che la damonda alla regenza vegn fatga. Havein nus era la segirtad sche nus savein aunc buc la summa dall'investiziun? Con aulta ei lura la subvenziun?

Ruedi Büchi sviluppader regiunal:

Las contribuziuns vegnan ord il program san Gottardo ed ord la promozion dall'economia dil cantun. La damonda alla regenza sebasa sin la summa da sustegn maximala. Ussa eis ei

buca pusseivel da numnar ina summa. Sil termin che la fatschenta vegg tier il pievel vegg quei ad esser il cass da saver publicar l'altezia dil sustegn.

#### Cussegl:

In grond engraziament per la gronda lavour da preparar la fatschenta per il niev Center Fontauna. Han ins, ultra dil milliun dil cantun, quei ch'ei uss en damonda, dumandau autres instituziuns per sustegn? Tenor messadi ei previu ch'il persunal dil Center dat informaziuns vinavon als turists. Vegg cheu luvrau ensemes cun la destinaziun turistica?

Ei dat aunc bia potenzial da spargnar. Per exemplil glatsch che cuosta mintg'onn frs. 100'000.—. Quei fagess ora la summa da 3 milliuns francs en 10 onns. Con ha il glatsch custau igl onn current? Fuss quei enconuschten, savessen ins far la calculaziun tenor cefras fundadas.

Il cussegl tracta oz la fatschenta. Vegg quella avon il pievel duess ella sedistenziar dil project Acla da Fontauna. Igl ei da puntuar tgei valeta ch'il pievel indigen survegn cun l'investiziun. Igl ei da promover il sentiment «uss fan ei enzatgei per nus!». Lura stat il suveran en e sustegn la caussa.

#### Suprastanza:

##### Gerau Clemens Berther:

Igl ei previu d'integrar el Center Fontauna l'informaziun turistica ch'ei dapresent locada alla staziun. Il persunal sto vegnir instruius persuenter. Il center ei in liug adattau per quei ed il hosp sa seprofitar da quei. Ils contacts cun uffecis federais per ulteriur susteniment ein fatgs ed era per sustegn ord autres fontaunas. Quei ei denton pusseivel pér suenter la decisiun da realisar l'investiziun cura ch'ins enconuscha las summas exactas che veggan impundidas.

Pertucont il glatsch ein las cefras digl onn current aunc buc enconuschenas. Il glatsch ei ina purschida giavischada ed ei en onns da pauca neiv ina bona caussa. Schebein tala purschida vegn mantenida egl avegnir ei ina damonda politica. Ils indrezs ein avon maun e basegnan neginas investiziuns. Vegg ei mirau sulet sin l'optimaziun dallas finanzas savein nus serrar tut cun consequenza da degenerar tut il svilup futur.

Il pievel indigen sa ch'ei vegg dau ora bia daners dalla vischerna e dil cantun per quei project. Igl ei dil tuttafatg endretg da far clar che quei vegg dabien ad el e buca sulet als hospes.

#### Cussegl:

Ella summa totala dall'emprema etappa ei ina gronda part indicada sco resvra. Sa quella summa vegnir impundida per autres caussas per exemplil per la segirtad da fiug?

Nus savein selubir l'investiziun el project CSC. Tenor menziun dalla cumissiun da gestiun ston auters projects vegnir spustai en avantatg dil center. Tgei projects urgents savein nus buca exequir?

Igl ei vegniu concediu in credit per ina remisa. Drove ei aunc quell'investiziun?

#### Suprastanza:

##### Gerau Clemens Berther:

En in tal project ei la resvra per caussas nunprevedidas definius cun 5% dalla summa d'investiziun e quei ei il minimum pusseivel. Quella resvra vegn duvrada el project. La segirtad da fiug ei in auter project.

Il credit per la remisa ei abolius el preventiv. Era sch'ei fuss basegns vegn ei anflau autres sligaziuns.

#### President communal Robert Cajacob:

Partenent bloccada d'auters projects ei da dir che la secunda etappa digl engondiment dil center sa vegnir fatga pli tard. Il plan da finanzas muossa si tgei ch'ei impurtont da realisar. Caussas urgentas ein buca periclitadas.

**Decisiun:**

**Il cussegl decida cun 12 gie e 2 na da**

- 1. approbar il project per l'innovaziun, amplificaziun ed engrondiment cumplessiv dil Center da sport e cultura;**
- 2. conceder per l'emprema etappa da quei project in credit general net da maximal frs. 9'690'000.--. Sch'il cantun conceda ina summa ord il fondo per infrastructura relevanta per il sistem, sereducescha quei credit net per la summa concedida dil cantun;**
- 3. suttametter quella fatschenta el senn dallas prescripziuns digl art. 32 lit. d dalla constituziun communala alla cuminanza dils votants.**

Cussegl da vischnaunca Disentis/Mustér  
Il president: Igl actuar:

Mario Flepp

Paul Duff



### **3. Cumissiun Disentiser Card: Dissoluziun (messadi nr. 45-2017/2020).**

Suprastonza:

President communal Robert Cajacob:

Igl avrel 2018 ei vegniu eligiu ina cumissiun per crear ina Disentis Card. Igl ei semussau el discours culs responsabels dalla Churer Card che la realisaziun da quella ei buca sempla, gie strusch pusseivla. Ei drova ina software, persunal da silmeins ½ plazza per far mutaziuns per mintga habitont era per affons e hospes. Quei ha per consequenza gronds cuosts. Il turissem enquera ina sligiaziun per far enzatgei semegliont per ils hospes. Nus stuein definir las taxas per indigens el Center Fontauna.

Cussegli:

Il giavisch e l'idea da definir in avantatg per ils habitants dalla vischraunca da Mustér enviers ils jasters ei aunc adina avon maun.

Suprastonza:

President communal Robert Cajacob:

Igl ei era nossa finamira che quel che paga taglia en vischraunca duei saver seprofitar. En quei senn stuein nus era anflar ina sligiaziun cun las vischrauncas vischinontas.

**Decisiun:**

***Il cussegli decida cun 14 gie da  
dissolver la cumissiun Disentis Card.***

Cussegli da vischraunca Disentis/Mustér  
Il president: Igl actuar:

Mario Flepp

Paul Duff



GEMEINDE/VISCHNAUNCA  
DISENTIS/MUSTÉR

Cussegli da vischnaunca 2017/2020  
Protocol no. 27-2017/2020  
Seduta dils 5 da zercladur 2020

---

#### **4. Ura da damondas (conform ad art. 44 dil regulativ da fatschentas)**

Igl ei buca vegniu inoltrau damondas alla suprastanza ed ord il gremi vegnan neginas autras damondas.

Cussegli da vischnaunca Disentis/Mustér  
Il president: Igl actuar:

Mario Flepp

Paul Duff

Fin dalla seduta allas 22.50.